

Belavok derbarê bikaranîna zaniyariyan li gorî mada 13 û 14 ji rêbaza bingeîn ji bo parastina zaniyariyan (DSGVO) ji bo beşdarvanên kursên întegrasyonê

Kursê întegrasyonê ji aliyê dezgeha karûbarê koçberiyê û penabaran (BAMF) ve tê birêvebirin û bicihanîn. Ev kurs hêdî li gorî mada § 43 bendê 3 rêzika 2 ji yasaya nişteciybûnê (AufenthG) ji aliyê xwendegehên priwat ve tê cîbecêkirin.

Taku ev karê han were encamdan, zaniyariyên taybet bi şexsê we ji aliyên van dezgeh û saziyên jêrîn ve tene tomarkirin û bikaranîn:

- Dezgeha karûbarê koçberiyê û penabaran zaniyariyên taybet bi şexsê we tomarkirin, heger ew zaniyarî ji boy van sedemên jêrîn re pêwîst bin:
 - Qebûlkirina beşdarbûnê di kursekî întegrasyonê de li gorî rêbaza întegrasyonê (§ 5 bendê 1 IntV) û herweha ji bo dubarekirin ne bêtirî jî 300 saetên xwendinê yê kursê întegrasyonê li gorî rêbaza întegrasyonê (§ 5 bendê 5 IntV)
 - Efûkirin ji dayina beşekî ji mesrefa kursê întegrasyonê li gorî rêbaza întegrasyonê (§ 9 bendê 2 IntV)
 - Dayina beşekî ji mesrefa bilêta çûnûhatinê li gorî rêbaza întegrasyonê (§ 4a bendê 1 IntV)
 - Vegerandina 50% ji sedî ji mesrefa kursê întegrasyonê li gorî rêbaza întegrasyonê (§ 9 bendê 6 IntV)
- Dema ku dezgeha karûbarê biyaniyan (Ausländerbehörde) yan dezgeha dewletê ji bo alkîariyê ji bo kesên bêkar yan dezgeha dewletê ji bo alîkariyê li gorî yasaya alîkariya penaxwazan (Asylbewerberleistungsgesetz) yan dezgeha birêvebirî ya federal (Bundesverwaltungsamt) nameyeke qebûlkirinê yan nameyeke ferzkirina çûyina kursê întegrasyonê bide we, ev dezgeh zaniyariyên taybet bi şexsê we ve dişînin ji bo dezgeha karûbarê koçberiyê û penabaran. Nexasim ew zaniyariyên derbarê tesbîrkirina mafdariya we û herweha zaniyariyên şandin yan qeydkirina te li ba xwendegehekê ji bo encamdana ezmûnê yan ji bo qeydkirinê. Şandina zaniyariyan ji bo dezgeha karûbarê koçberiyê û penabaran bi tenê ji bo birêvebirin û dayîna mesrefa kursê întegrasyonê ye, li gorî yasaya nişteciybûnê (§ 88a bendê 1 rêzika 1 AufenthG).
- Heger dezgeha karûbarê koçberiyê û penabaran hun li gorî rêbaza întegrasyonê mada § 7 bendê 3 yan 5 IntV ji bo beşdarbûna berwext di kursekî de li cihekî qeydkirin yan heger hun şandin cihekî, wî çaxî dezgeha karûbarê koçberiyê û penabaran wê xwendegehê (heger ev tişt ji bo we misogir be) û wî cihê ku beşdarbûna di kursekî de li ser we ferzkirîye, agahdar dike.
- Xwendegeh yan devera ku kurs lê çêdibe zaniyariyên derbarê qeydkirin û beşdarbûna we di kursê întegrasyonê de dişîne ji dezgeha karûbarê koçberiyê û penabaran re, heger ew zaniyarî ji bo beşdarbûneke birêk û pêk û ji bo derxistin û radestkirina belgenamêyê derbarê derbaskirina kurs bi serkeftin yan têkçûna we di kurs de yan jî ji bo birêvebirina û dayîna mesrefa kurs re pêwîst bin, li gorî yasaya nişteciybûnê (§ 88a bendê 1 rêzika 1 AufenthG).

- Heger tu bixwazibî, ku li gel beşdarbûna te li kursê întegrasyonê, zaroka te were guhdankirin li gorî mada § 4 a bendê 2 ji rêbaza hemguncînê (IntV), wî çaxî ew dezgeha guhdana zarokan wê nav û paşnav û roja jidayikbûna zarokê li ba xwe tomar bike. Hêdî ew xwendegha, ku tu li ba wan kursê ziman çêdikî, wê van zaniyariyan ji bo qebûlkirin û hesabkirina mesrefê ji birêvebiriya karûbarê koçberiyê û penaberan re (BAMF) bişîne.
- Heger hun mecbûrbî beşdariyê di kursê întegrasyonê de bin, wî çaxî xwendegh anku ew devera ku kurs lê çêdibe wan dezgehan agahdar dike yên ku hun mecbûrbî beşdarbûnê kirine, heger we bi regekî bi rêk û pêk beşdarî di kurs de nekir, li gorî yasaya niştecibûnê (§ 88a bendê 1 rêbaza 2 AufenthG).
- Dezgeha karûbarê koçberiyê û penaberan zaniyariyên taybet bi şexsê we, heger hat jê xwestin, dişîne ji dezgeha karûbarê biyaniyan re (Ausländerbehörde) yan dezgeha dewletê ji bo alkîariyê ji bo kesên bêkar yan dezgeha dewletê ji bo alîkariyê li gorî yasaya alîkariya penaxwazan (Asylbewerberleistungsgesetz), heger ev tişt pêwîst be ji bo pejrandina yan mecbûrkirina beşdarbûnê yan ji bo kontrolkirina bicihanîna mercên mecbûrkirina beşdarbûnê û herweha ji bo dirêjkirina mafê rûniştina we (Aufenthaltserlaubnis), li gorî yasaya niştecibûnê (§ 88a bendê 1 rêzika 3 AufenthG).

Dezgeha karûbarê koçberiyê û penaberan berpirsiyar e ji bo parastin û emniyeta zaniyariyên taybet bi şexsê we yên ku dezgeha karûbarê koçberiyê û penaberan bi xwe ji we standine yan yên ku ji aliyê dezgehên din ve ketine ber destên wê.

Navûnîşana dezgeha karûbarê koçberiyê û penaberan ev e:

Bundesamt für Migration und Flüchtlinge

Frankenstraße 210

90461 Nürnberg

Navûnîşana karmendê berpirsiyar ji bo parastina zaniyariyên şexsî li ba dezgeha karûbarê koçberiyê û penaberan ev e:

Bundesamt für Migration und Flüchtlinge

- Behördlicher Datenschutzbeauftragter -

Frankenstraße 210

90461 Nürnberg

Paşnavê we, nav û roja jidayikabûna we piştî gelekî dereng deh salan û zaniyariyên din piştî gelekî dereng 5 salan têne şewtandin li gorî rêbaza întegrasyonê (§ 8 bendê 6 IntV).

Mafê we heye, ku hun daxwaziyê ji dezgeha karûbarê koçberiyê û penaberan bikin, ku bikaranîna zaniyariyên we yên şexsî were bi sînorkirin, heger hun bi regekî beraqil behweriya dezgeha karûbarê koçberiyê û penaberan bi wê yekê bînin, ku berjwendiyên we yên laîqî parastinê yan berjwendiyên laîqî parastinê yên kesekî din bi rêya bikaranîna van zaniyariyan têne sînorkirin. Hêdî ev zaniyariyên we wê bi tenê hingî werin bikaranîn, heger ev tişt ji berjwendiyên giştî re pêwîst be. Û her wekî din jî mafê we heye ku hun agahdariyan werbigrin û hun zaniyariyên xwe yên şexsî serrast bikin û herweha zaniyariyên xwe jêbibin, heger hat û ew zaniyarî bi regekî ne yasayî hatin bikaranîn.

Her wekî din jî mafê we heye, ku hun giliyê xwe li ba dezgeha çavdêr ji bo parastina zaniyariyan bikin:

Bundesbeauftragte für den Datenschutz und die Informationsfreiheit

Husarenstraße 30

53117 Bonn